

續
文
獻
通
考

續文獻通考卷之二百五十四

皇明進士雲間王圻纂輯

仙釋考 名釋下

後五代

謙和尚頗有才思飲酒食肉與俗人不殊常曰吾願鵞生四足鰲着六裙

正勤姓韓氏五代時住常州天慶觀有僧問如何是釋勤
曰石裏蓮花火裏泉又問如何是道曰楞嚴峰頂一莖
草又問禪道相去幾何曰泥人落水木人撈晉天福中
無疾而逝

宗本無錫人師事道昇禪師住淨慈寺民張氏有女死母

續文獻通考卷之二百五十四

一一

夢女曰我以罪爲蛇旣覺得蛇于棺下本爲說法復置故處俄有黑蟬翔棺上母祝曰若我女當入籠中蟬遂入籠中本復爲說是夕母夢女曰二報已解脫矣其顯化異數多類此

布袋和尚在奉化縣岳林寺常瞠腹荷一布袋凡供身之具盡貯袋中隨處卧時號長汀子天將雨即著濕草履途中驟行亢旱即曳高齒木 豎膝而坐梁貞明三年于寺中東廊石上端坐而逝

義收後梁時僧居萬歲山時春不雨至五月義收積薪通衢將自焚烟舉而雨降遊洪州民俗遮留乃截左臂付之曰去後不雨出以禱果應

貝遠慈谿人戒行清苦具越寶正丁卯創庵于蓀湖講演
經教聲浹海隅及示寂舌生蓮花寔於寺南

師誓慈谿人五代時結屋花嶼有白龍聽經因名白龍寺
伏虎大師汀之寧化人時汀苦旱結廬龍潭側曰七日不
雨願焚幻軀七日炬將舉甘雨如注有猛虎見師來即
逡遁今長汀縣有廣福寺云五代時伏虎大師道場也
行雲不知何所僧至福州陳洪進禮之一日謂洪進曰汝
當爲此山河王後果牧泉州行雲來見曰凡世報莫不
前定苟懷疑殺人鮮能令終故陳王雖廢張思漢幽于
別墅竟以壽終

何令通南唐時爲國師言牛頭山不利謫休寧乃來芙蓉

峯更名慕真一坐四十年豁然大悟宋天禧中一夕正
席趺坐忽心火自灼頃刻而化其徒收舍利爲塔葬之
玄寂南唐僧也姓高自言高駢族人昇元中受業昇元寺
性爽悟博通經藏保大中詔講法華經授左階僧錄內
供奉門教大師賜紫服然不守戒律日以狂飲爲事常
行歌于路曰酒禿酒禿何榮何辱但見衣冠成古丘不
見江河變陵谷與群兒互相答和旁若無人坐是落職
出居長干寺

應之南唐僧其先閩人習柳氏筆法以善書冠江左初舉
進士一黜于有司投冊罵曰吾不能區區章句取程于
庸人保大中授文章應制大德中賜紫衣凡禱祠章疏

一筆即就元宗喜楞嚴經命馮延之爲 而應之書
既成上之元帝嘆曰是深得公權之法者也嘗以讚禮
之文寓諸樂譜其聲少下而終歸于梵音讚佛協律自
應之始

宋

法天本中天竺摩伽陀國僧也來至鄜州與河中梵學僧
法進共譯經義始出無量壽尊勝二經七佛贊知州王
龜從潤色之法天獻于闕下宋太祖召見賜紫衣袍
竺道生鉅鹿人生而穎悟聰哲若神遂改俗歸依沙門竺
法秦年十五便登講座雖宿望老僧莫敢酬抗初入廬
山後遊長安還止青園寺太祖深加嘆重尋入吳之虎

丘山盤石爲徒講涅槃經石皆點頭後入廬山升法坐而卒

遇賢姓林氏建隆初來居建州之明覺禪院常以酒肉自縱酒家或遇其飲則售酒數倍于他日人稱爲酒仙語人禍福多驗以符治病必痊創佛舍用 百萬雖稱丐于人而人不知所自來

妙空名守訥嗣法于雪峯卯一齋住嘉祐潭 江南李氏三召不起王繼勲詩曰白面山南靈慶院卯齋道者雪峯禪

慈濟僑居丹陽普定寺嘗遇異人授異錫丹方洞明醫道察脉如神與神濟同以醫名

贊寧姓高氏有文學洞古博物著書數百卷武肅諸王公
族咸重之署爲兩浙僧統則號明義宗文後隨俶歸朝
王元之嘗就質疑柳仲塗守維揚嘗贈以詩有空門
今日見張華之句太宗朝嘗召入對改號通慧

僧肇法師遭秦王難臨刑偈曰四大元無主五陰本來空
將頭臨白刃猶似斬春風

寶安禪師蘇州人姓夏親運土石于精嚴寺真五臺院時
壽八十餘歲不衣絲縷寢卧亂草深明宗旨寂後肉身
不壞闍維空中盤旋化畢祥雲始散

法聰姓仰氏初受具戒于梵天寺叅諸方密契心印太平
興國中結廬佘山之東峯有二虎大青小青爲侍掛一

書梁間見者問之曰此佛經也問曾讀否曰既知其義
何再說其他問者皆嘿然不對天禧初跣足而逝閱月
容貌如生

南安嚴尊者自嚴姓鄭氏泉州同安人年十七爲僧遊方
嘗謁西峯耆宿雲豁依止五年密契心法懷仁江有蛟
爲害公以偈戒之而蛟去過黃楊峽渴欲飲會溪澗公
以杖摘之得水武平黃石巖多蛇虎公止住而虎可使
今四遠間之大驚畫像以祭潯南康盤古山三年而成
叢林宰相王欽若大叅趙安仁等皆有詩贈之公不視
置承塵上而已淳化辛卯寂壽八十有二謚曰定光圓
應禪師

富陽人俗姓孫投新定龍門寺僧德詮出家用
中年已五十八始祝髮訪道四方宋咸平中住信州玉
山洞巖縣令章得象異之以聞真宗召至闕賜號明慧
大師後還錢塘因微疾作偈曰本來無質豈有去住要
識真人南來北去端坐而逝時年百二十八歲

道源東吳僧常續開平以來宗師機緣統集寶林聖曹等
傳爲傳燈錄三十卷詣闕進呈真宗覽之嘉賞敕翰林
楊億等刊正并撰序頒行天下

靈芝律師四明人有戒行嘗造五臺戒壇忽一老人獻三
珠來賀

智禮字約言四明金氏子真宗賜號法智大師天台智者

之學禮爲中興

智圓法師字無外自號中庸子或稱潛夫錢塘徐氏子聞奉先源清師傳天台三觀之旨問辯凡二年而清沒遂居西湖孤山與處士林和靖爲隣友夙嬰瘵疾乾興元年寂年四十有七遺以陶

十五年積

雨山頰門人開視陶器肉身不壞瓜髮俱唇微開露

右珂貝乃更襲新衣屑香其上重瘞之宗寧三年賜謚法惠大師其所撰述般若經遺教經疏各二卷瑞應經不思議法門經無量義經普賢行法經楞嚴經疏十卷又撰闡義鈔三卷索隱記四卷刊正記表微記一卷垂裕記十卷發微機要記二卷百非鈔一卷三德指歸

二十卷顯性錄四卷樵華抄二卷西資抄一卷詒謀抄一卷谷響抄五卷折重抄一卷正義一卷閒居編五十一卷皆假道適情爲法行化之傍贊云

洪蘊長沙人本姓藍母翁初以無子專誦佛經生洪蘊年十三出家于郡之開福寺後遊汴梁以醫術知名太祖召見賜紫方袍號廣利大師咸平初補右街首座累封僧錄洪蘊尤工于診切先時言人生死無不應湯劑精至貴戚大臣有疾者多爲診療

晏道者漣水軍人生有異相掌中一目中指七節長爲承天寺僧有大智慧能逆知吉凶真宗嘗召問禁中事仁宗初生晝夜啼不止道者摩其頂曰莫叫莫叫何似當

卷之二十四
初莫笑啼遂止後歸鄉有新知軍雅不喜道者遂告戒
徒曰緣盡當滅乾興元年正月右脅側卧而化知軍疑
其詐死命焚之凡三日衣裊不動忽雷雨驟作薪火皆
滅口中出白烟自焚立盡獨留目眼與舌不壞舍利無
數邦人葬之淮岸號證因大師

法智明州人姓金氏住持延慶寺真宗召脩懺法厚有賜
予翰林學士楊億駙馬李遵勗薦以紫衣師號天聖六
年寂壽六十九趙清獻公撰碑銘

遵式姓葉氏字知白台州寧海人母王氏夢嚙明珠而生
稍長爲僧嘗入國清對普賢像燼一指誓傳天台之教
雍熙來謁四明北面受業

王嵩青 縣僧趙光吳以其將野利土爲腹心种世衛謀
去之 嵩堅朴可用誘與冠帶充指揮使致令富貴忽
怒之 加掠治嵩惟感恩不怨乃召嵩曰吾有事使汝
雖苦 于此能不言否嵩曰誓以死報乃草一書遺野
利王 嵩衲衣內戒曰非濱死不得洩并以鄴棗及盡
龜爲信野利度嵩別有書索之荅以無有野利乃封其
信上元昊數日召嵩詰責命曳出誅之嵩大號且曰始
將軍遺嵩遺野利王 得妄洩今不幸不了將軍
元昊急使人追問嵩 以對乃褫衲衣取書以入元昊
於是始疑野利釋嵩送還嵩還而野利已報死矣嵩後
命以官不改仍爲僧終身

婺州雲幽重禪禪師

一名法雲

初謁雪峰坎依石霜乃開悟旋

即隱居蔽形一衲偈曰幽隱一隻箭虛空無背而射
去徧十方要日無人見

雙溪布衲如禪師病時嵩禪師戲以詩憐之曰繼祖當吾
代生緣行可規終身常在道識病懶尋醫貌古筆難寫
情高世莫知慈雲布何處孤月自相宜師讀罷舉筆

曰道契平生更有誰閑卿于我最心知當初未欲成相
別恐悞同叅一首詩投筆坐亡六十年後塔戶自啓真
容儼然

州東山雲頂禪師泉州人以再下春闈往雲臺大寺
剃染其戒即謁大愚繼見尊宿始徹已事道學有聞叢

林稱爲頂三教

言壽春人自言姓許落髮東京景德寺相貌奇古笑語無度時從屑酤游飲唱無擇衆以爲狂然事多前知仁宗未立嗣默遣內侍至志言所志言書有十三郎字人能測後英宗以濮王第十三子入繼衆始悟嘗有其齋薦鱸者并食之臨流而吐化爲小鮮群泳而去嘉祐戊戌將死作頌仁宗命以真身塑像宜寺中人見頌上有光就現之得舍利

志言一作言法華

懷丙真定僧也巧思出天性郡有木浮圖十三級久而中級大柱壞欲西北傾他匠莫能爲懷丙別作柱命衆工維而上已而却衆工以一介自隨閉戶良久易柱下趙

州浚河石橋鎔鐵貫其中歲久鄉民多盜鑿鐵橋遂傾側計千夫莫能正懷丙不役衆工以術正之使復故又浚河中浮梁用鐵牛八維之一牛旦數萬斤嘉祐中水暴漲絕采牽牛沒于河莫能出之者懷丙來大慶關以三大舟實土夾牛維之用大木爲樁衡鈎牛徐去其土舟浮牛出轉運使張燾以聞賜紫衣

則全乎叔平姓施氏慈谿人落髮于邑之保國寺住三學三十年太守卽簡禮之嘗謂人曰叔平才氣凜凜然若儒冠使職諫諍豈下漢汲黯唐魏徵我朝王元之乎慶曆五年州衆坐亡世號三學法師

譙慶曆中住涼州開元寺日誦經說偈辟穀不食者四

十年後歸岐山石門洪覺範有詩贈之大覺師亦有詩
何大士營道人弱冠悟佛學慶曆間呂仙訪之相爲指明
宿植謂其爲定光佛後身惟朝夕持念釋迦觀音名號
有來叅者率爲偈荅之練提刑遇之言有所契大士云
在家能出家火裏生蓮花後無疾而逝

智緣隨州人善醫嘉祐末召至京舍于相國寺每察脉知
人貴賤禍福休咎診父之脉而能道其子吉凶所言若
神士大夫爭造之熙寧中王韶諫取青唐上言番俗重
僧而僧結吳叱臘五部甚衆請智緣與俱至邊神宗命
智緣入番中說結吳叱臘歸化而他族皆因歸款召還
以爲右街首座

德賢上猶人號棲真尊者治平間結庵丫山習禪要元豐五年九月忽自圖其像于壁上對衆說偈云井雲歸洞本無心流水下山非有意言訖而化弟子以靈骨建塔有禱輒應

啞女不詳姓氏熙寧中見于鄆之戒香寺婉孌卯角暗不能言惟日持簫垂臂跣足晨粥午飯每拾菜滓餚餘啖人以爲顛駭歷人家預知休咎里士周鶚趣裝將應舉女笑不止再三叩之乃作長短句曰風波未息虛名浮利終無益不如早去陪 笠高卧炳霞千古企難及君今既已裝行色定應雁塔題名籍他年若到南雄驛玉石休分徒累中和泣鈿襲藏之一日女露卧鎮明嶺下

或訶以不檢遽起歸寺長吁坐逝鏐具棺殮之柳亭後
鏐見女子京師追問之不就歸發其瘞則空棺也鏐果
中第如南雄以言事忤時相入黨籍衛開客洛陽遇李
士寧曰公鄉里啞女者過去維衛也子可歸禮之比歸
開以不及見爲恨明年游錢塘寓書吏陳式家見群兒
數十執幡蓋擁一尼童入門譚傳曰啞啞開驚顧女
書偈曰大地山河是阿誰了無一法可思惟夜來處處
鳴鐘鼓敲破髑髏人不知又曰須彌山上擺鐸大洋海
底搖鈴若問啞女姓字只此便是真名擲筆徑去開追
問小兒啞女何人曰維衛佛也又問兒等何人曰問取
啞女忽俱不見

本如勾章人初學於法智頌曰處處逢歸路頭頭是故鄉
本來成現何必更思量慶曆中賜號神照嘗居白蓮
寺有虎睡西南隅以杖擊之曰非汝所居虎遂去

普庵宜春人姓余住慈化寺禪學最深嘗講華嚴經豁然
大悟作偈曰捏不成團撥不開何須南嶽與天台六根
門首無人用惹得胡僧特地來後果有異僧至與相詰
難一旦遂能嘿記旁通知未來事

元照字湛然餘杭唐氏子錢唐靈芝寺律師也居靈芝三
十年衆常數百撰資持濟緣行宗應法任法報恩諸記
十六觀小彌陀義疏及刪定律儀本金剛疏芝園集若
千卷自號安忍子一日聞空中笙簫聲遂寂時年六十

九

海月名慧辯華亭傅氏子生時有異父母令出家入普照寺得法明智遂領寺事遷至杭州都僧正蘇軾倅杭甚高其行一日合掌坐化遺言須東坡至方合龕四日軾至見其跌坐如生頂尚溫遂以詩哭之曰生死猶如臂屈伸情鍾我輩一酸辛樂天不是蓬萊客憑仗西方作主人

石塔長老遺其名住石塔寺蘇軾守維揚與之往返後退院歸西湖軾以詩留之

澄源杭州晉水法師也晉江人姓楊氏受華嚴于五臺承遷後高麗僧統義天航海問道申弟子禮蒲宗孟奏見

惠因禪爲教命公主之義天還國以金書華嚴三譯本
一百八十卷遺師爲主上祝壽師乃建大閣奉安之時
稱爲中興教主元祐三年寂稱晉水者以其先世爲泉
之晉水人也

元淨杭州龍井法師於潛人姓徐氏始生左肩肉起如袈
裟條八十一日乃沒伯祖異之曰宿世沙門必使事佛
八十一者殆其筭歟後果符其數十二就學于慈雲不
數年而齒高第杭守呂臻請住大悲閣爲請錫紫衣辨
才之號後居龍井蘇軾嘗問此山如師道行者幾人曰
沙門多密行非可盡識元祐六年寂蘇子由爲銘

俞紫芝爲僧王荆公甚喜之其弟淡字清老亦不娶滑稽

晚音律荆公亦喜之一日曰吾欲爲浮圖公欣然爲置祠部約日祝髮復曰吾思僧亦不易爲祠部已送酒家矣

王法昌建陽人生不如葦幼失父母落髮入福先寺服勤苦事不拔生草不剪生紫著破衲以養蠅虱時常翻易使之均飽熙寧辛亥忽告人曰吾來年五月十八日當去至期果然人異之

姚宥安福州人幼習儒業長落髮爲僧熙寧中至建陽往武仙山一百二十里朝發午歸鍾樓頽朽人莫敢登宥安上梯解鐘如履平地劉朝奉祈嗣曰某年某月與爾一子可名姚哥至期果然人驚異之

義天姓王氏高麗國仁孝王第四子辭榮出家封祐世僧
統元祐初入中國問道勅主客揚傑送至錢塘惠因受
法至金山佛印坐納其禮傑驚問印曰義天異域僧耳
若屈道徇俗諸方先失一隻眼何以示華夏師法乎朝
廷聞之以爲知體至惠因持華嚴疏鈔咨決所疑閱歲
而畢于是華嚴一宗文義逸而復傳

應定大師初波利尊者自西上來住盤古山時有諺曰後
五百歲有白衣菩薩自南方來居此山是定光佛也至
是應定大師應之

禪惠大師名山人屢舉不第元祐間郡守呂由誠以僧勅
戲之師卽削髮明日住天寧舊老叩以佛法不許乘馬

師曰文殊駕獅子普賢跨象王新來一個佛騎馬也何妨其機敏不一有禪惠語錄行世

寶崖涪陵人自幼寡言不嬉笑出家爲僧以布裹五指燒之曰信佛如此可也人以爲有風疾何不治之荅曰身皆空耳四大五支復何有耶爲四衆說法詞切義要後投火滅身而心不滅

守千藁城人居龍興寺性聰慧無幽不燭元祐習賜號通照大師一日發囊以紙衣一襲付其徒至旬乃易衣誦經辭衆逝

崇辯脩行中山弟子甚衆一日謂弟子曰吾行業已滿當歸佛道埽化弟子撫其尸則柔軟始知爲尸解云

法普仁壽人幼不茹葷精勤踐履苦行卓然居仰山四方
緇流多從之張商英聞于朝賜以紫衣服後杖錫雲遊
久之復歸思居靜惠室有僧在其中夜夢神告曰此非
汝所覺即遷別舍明日法普至而居之宣和初召住岳
麓辭不往作頌而逝

景祥禪師南城人少警敏削髮叅禮名師受戒後進明湘
真如法席心法益明四方迎進之書踵至俱不受會勅
潭鍾陵師心欲得之使者三往返乃行宣和中浩然歸
老秀峯之下未幾爲范丞相奏居浮山久之跣跌而逝
處州法海立禪師因朝廷有旨革本寺爲神霄官師升座
謂衆曰身尚不有身外鳥足道山僧去矣一任駕鶴仙

人來此書符作法助無爲之化擲下拂子竟爾趨寂郡
守奏其事改其寺曰真身

汝州天寧明禪師改德士日登座謝恩畢乃曰木簡信手
拈來坐具乘時放下雲散水流去寂然天地空即歛目
而逝

聖僧往來乞食海州人有疾呪之即愈事多前知安撫使
丁公守城僧一日左持斧右持釘行擊于市大呼曰釘
壞我斧人無喻者越數日丁果叛僧示寂州人葬之成
一高阜水旱禱之有應

臨安府上竺員智證悟禪師台州林氏子嘗舉東坡宿東
林偈曰溪聲便是廣長舌山色豈非清淨身若不到此

田地如何自這消息此庵元禪師曰是門外漢耳師求
說破庵不說師通久不寐及曉鐘鳴得偈曰東坡居士
太饒舌聲色閑中欲透身溪若是聲山是色無山無水
好愁人持以告此庵曰向汝道是門外漢一時高僧有
舒州投子通禪師蜀中仁王欽禪師金陵鐵索山主樓
子和尚神照本如禪師本嵩律師皆深于內典者也
真寶代州人爲五臺山僧正學佛能外死生靖康之擾與
其徒習武事山中欽宗召對眷賚隆縟真寶還山益聚
兵助討敵人至真寶被執金首不忍殺勸誘百方終不
顧且曰吾既許宋皇帝死豈敢負言耶怡然受戮
長水法師嘉興人有道行註華嚴經八十一卷跣趺而寂

以兩甕合之葬真如寺建炎初金元术兵至發之是手
爪遶身復塵之而去

永素初門人紹興中居栢山院日誦華嚴經後住嚴州烏
龍山歲久仍回栢山一日沐浴升堂說法作偈言訖而
逝茶毗舍利滿盤

德一宜春人九歲詣仰山叅簡禪師後雲遊四方禱雨輒
應有偈云震法雷擊法鼓布慈雲今洒甘露佇看長空
垂巨澤直教四海盡豐登紹興末忽作頌擲筆而逝

文通慧姓張氏脫俗白雲寺師令掌厠盥盆忽有市鮮者
沃于盆張偶擊之仆地死文懼奔華州總持寺久之爲
長老忽曰二十年前一段公案今日當了衆問故曰日

午當自知之遂跌坐以待時張浚統兵至關中一卒持
弓矢至法堂瞠目視文將射之文笑曰老僧相候久矣
卒曰一見即欲相害不知何讎文語以故卒悟曰冤冤
相報何時了劫劫相纏豈偶然不若與師俱解釋如今
立地往西天視之已立化矣文即索筆書偈云三十三
年飄蕩佐 幾番模樣誰知今日相逢却是在前磨障
書畢泊然而化

法聰潼川人有禪學紹興戊寅至南京貢士謝堯咨與之
善一日忽書十玄談因語謝曰吾明日入城君幸茶毗
我更十三年同爲極樂遊至明日果索浴更衣跏趺而
化焚之北郊烟焰中舍利飛颺觀者如堵謝以庚寅歲

果卒

自清紹興中居大山寺其性踈狂屢被師責一日謂師曰
弟子欲往京都見天子願假一乘師怒曰糞箕扛汝自
清即成一偈曰糞箕扛出轎擡回優鉢羅花向日開但
願老僧高着眼管交平地一聲雷遂辭去忽一日乘傳
至奉勅重整山門賜號曰雲風和尚

顯嵩銅梁人姓李住巴州宣密院三十年餘足跡不出鄉
里紹興中集衆告以將逝作頌曰八十年來常浩浩宏
開肆貨摩尼寶也無一箇共商量不是山僧收鋪早端
坐而寂

琮師遂溪人隱湖廣岩超然拔俗足跡不至城聞李綱至

即出謁官僚欲見之乃飄然而去後趺化

祖覺嘉州人姓楊住眉山中嚴寺倡鳴佛法學者雲委于古今儒釋之書無所不讀一覽成誦作僧史數百卷有集解華嚴經金剛經并水陸等道場儀行于世

佛日禪師柳州來賓縣金華峯第一代祖有戒行紹興中于獅子山文殊庵端坐而逝留偈云落落托托上無把捉出沒太虛無繫無縛鉄馬倒地誰人摸索

全了永嘉人遊山至荆門王泉山遇天竺僧言汝緣在浙東當得名山居之永嘉有詬詎羅者道場所適當興龍湫宴坐此尊者棲錫地也了遂感悟至山中結庵曰芙蓉塔曰古塔雁山之顯皆自全了發之其人放蕩人目

爲了湊蕩

景宣樂清人陳氏子受業能仁寺十五歲試經得度出遊
方外紹興間歸能仁越數年又居本覺平生喜讀莊子
自爲註解凡三十三卷又能究極性命道德之說年九
十九雙目爛然視聽不衰及茶毘齒與袈裟皆不壞人
以爲得道云

後可雁蕩雙峯寺僧善講經一日聚衆僧講于峯下有一
老人侍聽長鬚古顏衆頗異之問其從來曰某寒坑龍
也衆曰寒坑去此百餘里講不逾時何從知之而遽至
此乎曰寒坑雁蕩原是一山首尾相連地脉相通故易
知之因忽不見風雷驟起衆僧懼禱請立爲祠仰而視

之則蜿蜒之狀已在雲中矣祠今在東外谷

王閔慈谿人號無功叟凡禪林宗旨天台教門無不達洞

紹興中一夕忽聞異香趺坐而逝茶毘之日得舍利一

百八粒

祖琇號石室不知何所人孝宗時沙門也撰隆興佛運通

論行世

可觀字宜翁華亭戚氏子乾道七年魏杞鎮姑蘓請主北
禪寺入門適當九口指座云曾中一寸灰已冷頭上千
莖雪未消老步只宜平地去不知何事又登高魏公擊
節不已寂時年九十

靈隱松源禪師名崇岳處州龍泉人姓吳氏初造靈石妙

公繼見大惠果禪師又叩應庵華公後浮海八閩見水庵永公又見密庵於衢州之西山歸虔靈隱玄道盛行嘉泰二年偈曰來無所來去無所去聲轉玄閤佛祖罔措時年七十一塔于北高峯之原

淨真華亭人嘉定間爲興聖寺僧有道行嘉熙三年浙江錢塘江坍具偈呈安撫趙端明曰海沸江河水接連民居衝蕩亦憂煎投身直入龍宮去要止驚濤浪拍天遂投于海三日而返謂衆曰我在龍宮說法龍神聽受此塘不復崩矣語訖復入于海安撫上其事勅贈護國真法師

天竺北峯講師名宗印字元實鹽官陳氏子寧宗嘗召對

便殿錫號惠行法師以營觀室行化吳中至松江謂其徒曰吾緣畢此乃右脇而化

善月號栢庭定海人居南湖禱雨輒應補左階僧錄史忠獻問何能斷欲荅曰日遠月忘或問以安心曰心本不動天台之學以月爲冠

普和蒙陰人姓李氏自幼爲僧頗異于衆邑之西北堂阜社毒蛇絕路行者病之和挺身而行以手指蛇念噯字者三蛇不能害即歸穴其患遂除年六十一跌坐而逝智連字文秀姓杜氏鄆人嘗與宏智登千佛閣智曰聞四明講教言空中有相連曰誠然智以手指大虛曰本無物其相安在連指山川樓閣曰此諸物像復是何物

智服其言後居南湖示寂之曰史太師生子彌遠適就
尋因名之曰覺老樓鑰評之曰心大而行密體卑而道
尊恭而不勞博而不雜寂用之涯不可測也

遼

常在重熙間在寶坻縣城南隅渠水之陰建彌陀佛舍結
廬其旁持經待佛棲心入道後跌坐而化茶毘之日火
身不灰徒以其身立于佛側髮再生踰月則削之後有
女子以手捫其頂髮乃不生

金

法師蘇陀室利天竺人也特禮文殊于五臺善呪術能通
利神異頗士蕭真人亦高士技術難問皆爲師伏

時年一百八歲矣閔宗朝禱雨即應后妃特製赭色伽
黎賜之唐括有像贊

寶公俗姓武氏磁州人慧性絕倫胸次不凡大定初於滏
陽造仰山寺殿宇華麗柱上作金龍像蟠之忽有題詩
柱上者曰人道斑鳩拙我道斑鳩巧一根两根柴便是
家緣了寶公大悟即入西山結茅以居徧歷諸山往峨
嶺寶嚴寺一夕大風震地晏坐而逝

佛光道悟禪師姓冠氏蘭州人生而有齒嘗駐錫于三鄉
竹閣庵時着白衣跨牛橫笛游于洛川人莫之識太和
五年寂

慶壽禪師名教亨號虛明任城王氏子駐錫于濟州之普

照方丈後有樹一株亭亭然高丈餘群鴉以次來巢其
上下十二級如浮圖狀後教法大行興定中寂享年七
十閤維焰如蓮花開合牙齒目睛不灰舍利無筭師自
兒時額有圓珠至是爆然飛去收靈骨建塔

海慧遷化于皇統五年帝偕后親奉舍利五處立塔特謚
佛覺佑國大禪師

元

曇無竭姓李氏幽州人幼爲沙彌脩苦行嘗聞法顯等躬
踐佛國慨然有志乃入流沙經龜茲沙勒諸國進至罽
賓國禮拜佛鉢學梵書語求得觀世音受記經梵文
一部復西人月氏國天竺界惟齋石蜜爲糧後隨船泛

海達廣州而歸不知所終

八思巴土蕃薩斯迦人族款氏也相傳自其祖朶栗赤以其法佐國主伯西海者十餘世八思巴生七歲誦經數十萬言能約通其大義國人號聖童故名曰八思巴少長學富五明故又稱曰班彌怛癸亥年十有五謁世祖于潛邸與語大悅日見親重後尊爲國師命製蒙古字升號曰大寶法王更賜玉印

膽思一名功嘉葛刺思西蕃突甘斯旦麻人幼從西天竺古達麻失利傳習梵秘得其法要世祖時八思巴薦之時懷夏大旱命禱立雨又嘗祝食投龍湫頃之奇花異果上尊湧出波面取以上進世祖大悅至元末不容于

桑哥力請西歸既復召還謫潮州時樞密副使月的迷失鎮潮而妻得竒疾膽巴以所持數珠加其身即愈又嘗爲月的迷失言異夢及已還潮期後皆驗元貞間海都犯西番界成宗命禱于摩訶刺葛已而捷書果至又爲成宗禱疾遄愈賜予甚厚且詔分御前校尉爲之道從成宗北巡命膽巴以象輿前導過雲州語諸弟子曰此地有靈怪恐驚乘輿當密持神咒厭之未幾風雨大至衆咸驚懼惟幄殿無虞復賜碧鈿杯十七年夏卒
慶間追號大覺普惠廣照無上膽巴帝師

覺慶四明人姓毛氏號壽堂自幼窮究妙典二十載棄俗出家投禮梅峯和尚深入悟門至元初至雲間陳源家

端坐而化越三日送至茶毘之處忽遍體汗下源再請還家是夜紅光貫天停龕十日顏貌如生鬚鬢自長四方瞻禮者無不嘆異後源改剏所居爲蘭若漆其肉身祠之以香水救人之苦屢獲應驗

辯和尚嘗于青州創普照寺世稱青州辯和尚禪教盛行北方二百餘年燕秦齊晉之間入是宗者皆其後學有青州百問一卷皆與覺和尚及林泉老人問荅頌偈也法空漢州人俗姓古由家游至忻州依懶牧和尚居萬安禪院日誦寫華嚴經大德中忽微恙誨徒出頌畢奄然而逝茶毘之際祿光溢目得舍利十餘粒

趙迦羅昆明人世爲阿耨哩僧迦羅尤精其教諳通唐梵

經書大德間鄉有蛟化爲美少年挑淫婦女父老請治之卽遣墨貌胡奴擒至以水噉之化爲蛟斬之胡奴卽大墨天神也雲南陷遂不知所往

必蘭納識里初名只刺瓦彌的里北庭感木魯國人幼熟畏吾兒及西天書長能通貫三藏及諸國語大德六年命從帝師受戒出家武宗皇慶中命繙譯諸梵經典延祐間特賜銀印授光祿大夫是時諸蕃朝貢表箋文字無能識者皆令必蘭納識里譯進嘗有以金刻字爲表進者廷中莫能對必蘭納識里取案上墨汁塗金葉審其字命左右執筆口授表中語及使人名字與貢物數明日有司閱其物色與所貢重譯書無少衆服其神

悟授開府儀同三司仍賜三臺銀印兼領功德使司事
厚其廩餼俾得以養母至治三年改賜金印特授沙律
愛護且命爲諸國引進使至順二年又賜玉印改號普
覺圓明廣照弘辯三藏國師三年與安西王子月魯帖
木兒等謀不軌坐誅其所譯經漢字則有楞嚴經西天
字則有大乘莊嚴寶度經乾陀般若經大涅槃經大乘
功德經西番字則有不思議禪觀經若干卷誅後籍其
人畜土田金銀錢幣及婦人七寶粧具價直鉅萬萬云
洪源潁州人幼聰秀爲親鍾愛忽夜夢釋迦佛降堂中口
誦法華經洪源敬仰久之而覺遂辭父母出家初居西
峯寺後掛錫靈岩陀一日出遊卧于沙灘上有虎逐其

身至曉而去人皆異之

謝德富易州人七歲慕浮圖禮興慶寺真空爲師號通辯
大師皇慶初萬山和尚奉旨大作齋會請師演法大衆
咸集升座受偈忽從法座大放光明良久方滅及示寂
白光四達得舍利數顆

本惠別號中峯杭州李氏子出家天目山爲僧與攸州馮
海粟桐善海粟一日叩門僧曰何人海粟答曰天下有
名馮海粟僧亦曰世間難比老中峯後海粟作梅詩一
百二十首欲以示僧未至僧先置一火爐于方丈海粟
至問曰炎月何故向火僧荅曰公送臘詩故設此耳受
詩不展嗅而焚之海粟畧有愠色僧曰公勿嗔當還公

原詩即援筆而錄并和詩八十首海粟曰餘四十首不錄不和何也僧曰此令愛之作故不敢和海粟大駭手寫華嚴經塔一幅三年而成其字細如蠅頭縱橫成文寺僧寶之食鉢一个可容三斗凡食物必盡一鉢或數目不食後復歸天童山

振藏主性慧居鄞城西海會寺一日往定海見主家火起以杖指之乃返風而滅

衣和庵主一名知和崑山人隱居雪竇畜二虎馴伏後徙二靈山終焉大德丁未菴爲盜燬虎爲人害咸謂菴復則虎息至元丙子復其菴肖像于中虎不爲害

本號中峯杭州人幼聰悟傳涉書史爲文未嘗構思援

筆立就四方從遊者甚衆仁宗賜號廣慧禪師及茂文
宗賜謚智覺元統中詔以其廣錄刻梓命揭傒斯爲序
梵琦象山人字楚石性穎發博通內外典泰定中住海鹽
福臻寺我朝嘗以高僧召之

訢笑隱名大訢南昌人幼開爽頓悟禪機研窮教典旁及
儒家道流之說文宗時召赴闕特賜三品文階嘗編禪
林清規所著有四會語錄及蒲室集

月林澄連人幼頓悟入山苦行脩習後住持普明寺文宗
賜楮幣甚夥未嘗私用悉留寺帑年五十涅槃作偈曰
昔不曾生今何曾滅月過長空清光皎潔趺坐而化焚
時有五色舍利

善道臨淄人入大藏信手探卷得觀無量受佛經及往書
山觀遠公遺蹟豁然增思後遁迹終南復往晉陽從
禪師入定七日報綽曰師當懺悔三罪綽乃洗心謝過
道行化京師忽曰吾明日歸去至期怡然念佛而逝
昶公輝縣人自幼穎悟精勤戒律住持白茅寺一日杖策
閑遊謂其徒曰寺東山塢間脩篁古柳異于他年乃吾
棲真之所竟如其言

古峯和尚姓周氏爲盤谷寺僧甘心守靜脩廢寺三十餘
所悟三空之性理爲一代名僧

李溥光大同人號雪庵幼爲僧讀書工詩善書法一時宮
城殿宇扁額皆出其手授昭文館大學士有雪庵長語

大字書法行世

獨孤標和尚住潼泉山趺坐而逝偈言未來事後

源空咸楚人三歲能誦佛號後入薇溪山爲僧嘗

山有虎伏于岩下又遊九重巖入絕粒經月凡

事必先知之一日端坐而化茶毘之日祥雲幕焉

連精定遠人通瑜伽秘密教降龍伏虎應驗如神至正間

雲南旱梁王迎之祈雨師于淨瓶中出一小蛇遂大雨

王贈以金帛固辭歸之日役鬼爲荷擔一日辭親戚端

坐而逝

徑山雲峯妙高禪師

世祖時

五臺真覺文才國師

成宗時

上都華嚴至溫禪師

武宗時

三藏沙囉巴譯師

仁宗時

京都崇恩謙講師

京城普慶法聞律師

三藏達益巴國師

京城寶集妙文講師已上俱仁宗時

五臺普寧了性講師

山普安寶嚴講師

大都妙喜尼舍藍藍

臨壇大德惠汶律師已上俱英宗時

皇明

吳印鍾山一主僧也有才智 太祖親擢爲山東布政使

時按察使張孟庶才望自負以印出身爲僧心不下之

每較轢印後印上書言狀且請去位避矛庶之橫 太

祖怒召孟庶至京以逆棄市詔印曰吾除尔害矣善爲

之方孝孺論曰孟庶爲人忠實無陰賊心祇以尚氣好

高以故爲人所陷才能者人欲得也苟無謙遜以

而挾以驕人其爲身害奚怪哉

來復字見心豫章人先是爲明天淵以人才仕元至學士
因亂遂祝髮爲僧改今名云爲人髯甚長後爲僧而髯
如故尤工于詩所與遊皆名士初爲給事中嘗賦聽雨
詩云掛冠瀛得賦閒居聽雨浮羅老故廬夜滴梧桐燈
盡後曉臨荷芡酒醒初打窓聲稱江濤急入坐寒蕪地
籟虛忽憶候朝天上去更愁泥滑出無驢又一日送李
宗遠歸廣東詩云三山木落鴈啼霜虎踞關頭買小航
明日相思望南斗水流不盡楚天長又云太平身退更
何憂歸老南山問故丘一色梅花三萬樹夜和明月醉
羅浮又云聞說高侯氣膽寒校詩多在白雲窓秋來柳

子其如密寄我滇緘五百雙又云鸚鵡盃深泛紫霞風
涼渾訝謫仙家錦袍留客催春鶯開遍東園荳蔻花曾
次清灑出塵溢爲詩章類如此時僧宗泐著稱復與之
齊名 太祖嘗誦其所爲詩文稱賞久之時蜀王雅志
釋典禮遇復甚隆王在中都構西堂讀書召儒臣日與
講論復亦在列又建寶訓堂以奉祖訓及前代帝王經
典命復作記王又爲正心觀書崇本敬賢四箴以自警
復亦代草以故得達 太祖一日召問曰汝不欲仕我
而去出家爲僧然留鬚亦有說乎對曰削髮除煩惱留
鬚表丈夫 太祖笑而遣之又一日召見賜之膳既罷
復上詩稱謝詩云淇園風雨曉吹香手挽袈裟近御床

闕下彩雲生雉尾座中金笳動龍光金盤蘇合未殊域
玉盞醞出上方稠疊濫承天上賜自漸無德誦陶唐
太祖覽詩大怒曰汝詩用殊字是誦我爲歹朱耶又言無
德誦陶唐謂朕無德則雖以陶唐誦我而不能耶何物
好僧敢大膽如此欲殺之復遂王筋雙垂圓寂于丹墀
之下蓋亦有得者或曰見心之從釋也亦從赤松子之
志歟有蒲菴集行于世

按野記謂見心初被徵其師訢笑隱止之曰上苑亦
無頻婆果且留殘命吃酸梨復不聽及臨刑而悔因道
訢語 上聞逮訢至將殺之訢曰此故偈臣偶然非有
他也 上問何出訢曰出大藏某錄在某函某卷某葉

檢視果然乃釋之

板的達天竺中印度僧也元至正甲辰至燕京受灌頂戒 洪武甲寅至金陵召見稱 旨賜印號善世禪師居蔣山統制天下諸山仍移文各郡許詣蔣山受菩薩法戒所司勿禁人多繪象事之以爲活佛 御製善世歌有談笑般若生蓮花之句尋遊方三年復還蔣山賜金環茜衣 車駕臨幸必造其室咨問法要屢賦詩有曰晨向巖前觀日出暮投松底聽風來蓋規之也辛酉五月患疾卒死無他異葬天禧寺而屋之

永隆蘇州人異僧也時 洪武二十五年 太祖頒度僧之令冒度者遂至三十餘人 上怒命錦衣衛悉戮之

降上言願焚身代諸僧之死 詔許之勅中官以武士
衛其龕至雨花臺隆從容出龕型 闕叩辭遂入龕書
偈一首又取香一瓣書風調雨順四字于其上謂中官
曰願奏 陛下遇旱以此香祈雨必驗遂秉炬自焚體
骨不倒異香逼人群鶴舞于龕頂上中官復命 太祖
乃宥衆僧會歲大旱 命以所遺香于天禧寺禱雨至
夜果大霈 上曰此真永隆雨也 御製魄僧傳以吊
之

僧善啓字東白號曉菴姓楊氏蘇州長洲縣人甫能言通
佛典父母異之命入無量壽院禮永茂院主爲浮圖既
長屏迹龍山窳日夜力于經史百氏不廢聲譽隱然日

起少師姚公廣孝善世洽公南洲皆器重之而典記于洽公者甚久 永樂中召纂修永樂大典預校大藏經

賜金織袈裟一襲會三殿灾 詔求直言上疏陳利病不報尤工于詩所交如少卿沈民望侍講王希範督善王汝玉檢討陳嗣初皆名士也年七十五示寂曉菴尤喜儒詩律仿劉長卿選兼常應物至于爲文喜柳宗元遇有作必朗誦數篇得其意趣然後下筆論儒釋之辨則曰且各爲其教又曰東魯垂道西竺見性皆莫先于原本故雖離父母而養生送死率從厚與兄弟極友愛撫諸姪教養兼至而交遊四方宿儒名縉必以誠未嘗見懈體情客然非其人未嘗一與之交此韓子所謂

墨名而儒行王文正謂此失之而彼得焉是也錢溥銘
其墓曰唐有師暢曰喜文辭宋有愚勤亦號能詩暢由
韓子儒以行彰勤藉蘇公得附歐陽顧今東自有學有
德旁遂詩文兼此二釋豈無韓蘇俾世有聞

僧泐浙江台州人應天府志稱泐季潭是也性頗聰慧凡
經書一目輒能誦長尤博涉古今善屬文住持京師天
界寺 太祖嘗幸寺見泐動止異常人因令其蓄髮欲
官之泐固辭尋 奉詔註心經金剛楞伽三經及 馬
后崩葬之日會 太祖高皇帝景命之日乃有醴泉出
神樂觀清光浮于玉甃芳氣達于 靈宮 頒賜百僚
味勝醇醪又三日甘露降于 孝陵滿布松柏諸臣復

拜寵賜

是年徵天下道士至京即朝天宮神樂觀

洞神宮陳金錄普度大齋科自十一月庚申訖丙寅凡
七晝夜 車駕幸齋壇時祭酒胡儼奏曰 陛下舉明
禮之典篤追遠之城下逮臣庶祖考一視同仁禮神之
儀冊祝之文玉帛薰蕕之登薦鍾鼓法樂之導宜罔不
備具將專之晨鳶鶴翔于太虛度幽之夕甘露降于階
庭越明日復有群鶴蹕蹕東來徘徊殿廷之上二月戊
辰風雨電震 上甚不樂忽召泐至謂之曰 太后將
就塋汝其宜爲偈泐應聲曰雨落天垂淚雷鳴地舉哀
西方諸佛子同送馬如來 上悅頃之天霽遂啓輶
詔賜泐白金百兩有金室集行于世

碧峯宣州一異僧也姓石氏六歲依雲寂溫法師爲氣
子一云石寶金永壽人號壁峰禪師有異行常遊峨眉
山絕粒啖栢嘗跌坐大樹下忽溪水橫溢人疑已死越
七日水退跌坐如故比歸卽州治西草室靜息焉後遊
五臺元順帝召至燕慰勞甚至後太祖渡江偶一元
臣迎謂曰今欲霸我將財貨納贐太祖叱曰我本順
天應人行王道汝敢霸視我耶元臣曰若篤行王道可
尋宣州胡僧金碧峯必有所授車駕幸齋壇是時見
有卿雲天花甘露甘露舍利祥光青鸞白鶴日集及金
仙羅漢于雲端白象青獅莊嚴妙相天燈導引幡蓋旋
繞而下又一夕檜栢生金色花徧都城有之又聞梵唄

拜音天樂自空而降群臣表賀 上悅賜金百兩銀千兩

絲段寶鈔織金珠袈裟金銀器皿其鞍馬儀仗與郡王

埒從者孛羅軍悉封爲大國師並 賜印誥金幣等偽

召至華蓋殿宴之自是屢著靈異謂之神通教人念唵

音汗又唵泥叭音啾呼音信者晝夜念之大學士胡

廣作聖孝瑞應歌以獻 上亦潛心釋典作爲佛曲使

宮中歌舞之唯翰林侍讀李繼昇私曰若彼神通當中

國語荷待譯而後知或者服其議

嘗閱諸書載白溝河之戰陣亡軍士積骸遍野 成

祖每念之 命取其頭骨規成數珠 賜內官念佛冀

其輪廻又顙骨深者大則以盛淨水供佛名天靈盃皆

胡僧教也今其珠聞 內府猶有之色類象骨而紅潤
過之

尚師哈立麻西方僧也 永樂四年丙戌冬十二月至京

駕往視之合掌不拜初 成祖爲燕王時聞西域烏

思藏有異僧尚師哈立麻及即 位遣中官侯顯以書

幣迎之往返凡五歷寒暑至是抵京 上命居於靈谷

寺封爲萬行具足十分最勝圓覺妙智慧善普應佑國

演教如來大寶法王西天大善自在佛領天下釋教

明年丁亥春二月即靈谷寺啟建法壇命尚師哈立麻

薦福 皇考 皇妣尚師率天下僧伽舉揚普度大齋

科十有四日

尚師毘澤思巴乃尚師哈立麻之徒永樂十年封爲萬行
圓融妙法取勝真如慧智弘慈廣澤護國宣教正覺大
乘法王西天上善金剛普應大光明佛

尚師劄已堅叅西僧也 成化中封 爲萬行莊嚴功德
寂勝智慧圓明能仁感應顯國光教弘妙大悟法王西
天至善金剛普濟大智慧佛領天下釋教事尚師即
帝師史諱之也按元時贈帝師有皇天之下一人之上
其稱尤異然不去佛而云佛子又其他銜名亦小

南陽大瓢和尚飲噉蕪人因曰大瓢普造某橋而居其旁
欲得大壇那成之始爲無量功果每呼曰誰造此橋願
捨和尚作某十孫而 唐王居宮中相距十五里耳邊

若聞呼聲以問其闍監闍曰呼此者大瓢和尚也相距遠矣命來使試呼果如所聞異之遂傾藏發三千金造橋橋成一日宮中人皆見和尚闖入宮扉而關中報世子生其時跡和尚所在適已坐化後世子嗣立慈慧夙成每飯僧至千人曰千僧會豈偶然哉

神針大元禪師諱現本漢中人後駐錫西山潭柘寺精素難脉理及八法神針諸症針下即瘳於傷寒胎產起死恒多 宮禁大瓚戚里貴人皆尊事之而小璫受其法數人一士夫患頸癰衆治不效大元至針手外關足三里金針信手投下徐命童子輪轉已視患處消大半滿堂頂禮呼頌師曰寒冬針力不勑必春至始痊後果然

不二禪師居太岳虎耳巖薺就巖起觀音亦坐巖窟中禪
榻數處各據幽勝在長松細竹泉石間梵放時坐以遊
心不受金帛紛以米餉然擔夫在道坐懃米囊則知之
曰汝在某處如此不敢以供故不受人益神之自是無
敢坐懃米囊者與人談亦隱隱及未來時多驗江陵相
遣子孝廉徃候願受法旨禪師不言但貽以衲頭不數
年身死禍作禪師曰早着衲去當不至此

詩僧 詩尼附後

唐

辯不貞觀時僧智永之弟子嘗與御史蕭翼倡和

法宣貞觀時僧有和趙郡王觀妓應教詩末云舞袖風前

扇後嬌周郎不相顧今日管絃調

僧也儀鳳中青城翠園山下有王仙柯得道中寤
贈詩曰瞻恩不及望仙兄早晚升霞入太清手種一株
松未老爐燒九轉藥新成心中已得黃庭術頭上應無
白髮生異日却歸華表柱好教凡俗盡聞

處一天寶時詩僧

子蘭有飲馬長城窟秋日思舊山詩傳世

皎然姓謝字清晝吳興人靈運十世孫居杼山嘗十舟中
抒思古體十數篇求合苒蘇州常大不喜明日獻其自
製乃稱賞云何不 以所工見授而猥希老夫之意人
各有所得非卒可至晝大服其鑒裁之精又一僧神珙

溝詩示之曰此波涵帝澤畫曰詩則佳矣只波字未善
僧怫然而去畫乃書中字于手湏臾僧復至曰欲改中
字何如畫以手示之遂相與定交有杼山集十卷又有
杼山詩式行世

靈徹生于會稽居東林寺本湯氏字澄源與吳興詩僧皎
然遊皎然薦之包佶李紆以是名顯貞元中遊京師爲
嫉者造飛語以罪徙汀州元和十一年終于宣州開元
寺建塔天柱峯有詩二十卷劉夢得曰詩僧多出江右
靈一道其源護國襲之清江揚其波法振沿之如公絃
孤韻警入人耳非大音之樂獨吳興畫公能侔衆美徹
公承之可謂入作者閭域

靈一越中雲門寺律師持律甚嚴尤善于詩與劉長卿皇甫冉嚴維相倡和大曆貞元間人有詩集一卷

護國大曆時江南人亡後張爲嘗哭以詩

清江大曆時人與嚴維相厚章八元同唱和

廣宣會昌間有詩名與劉夢得最善後以應制詔許居安國寺紅樓院以詩供奉有紅樓集行世

法振與廣宣同時李益嘗與酬倡往來一作法貞

常雅題伍廟詩云精鬼不知何處去威風猶入浙江潮

隱求題名橋琪樹云山上天將近人間路漸遙誰當雲裏見知欲渡仙橋

法照大曆時人與錢定清江同時

無本即賈島也騎驢作推敲勢衝韓愈尹節不知愈詢其
故對曰方得詩句鳥宿池邊樹僧推月下門忽欲易推
作敲未定耳愈曰敲字佳矣遂與定交後還俗以造土
爲長江令

僧泚大曆時人

冷然唐末時人

應物武宗大中時江南詩僧也與羅鄴倡酬作九華山記
含 曦廬全訪曦上人留詩于壁曦酬之曰鯨吞海水盡
露出珊瑚枝海神知貴不知價留向人間照夜光

文秀唐末吳僧也居長安以文章應制鄭谷嘗有詩贈之
中秋旅懷詩云望鄉連北斗聽雨帶西風

棲白開成間與劉得仁倡和朝廷嘗賜紫檀衣令隨駕以詩供奉有詩集一卷

無可買島弟姚合李洞皆有詩贈之有詩集一卷

懷濟君

不知何所人昭宗時言休咎有驗刺史于

公以

繫

之乃以詩代通扶曰家在閩山西復

西其中歲歲有鶯啼如今不在鶯啼處鶯在舊時啼處啼又詩之復有詩曰家在閩山東復東其中歲歲有花紅如今不在花紅處花在舊時紅處紅于異而釋之詳其詩意似在海中殆杯渡之流乎

虛中宜春人居王筍山與齊己尚顏棲蟾爲詩友有碧雲詩一卷司空圖嘗贈以詩曰十年太華無知己只得虛

中一首詩

齊已姓胡名得生潭之益陽人謁鄭谷詩云自封脩藥院
別下着僧床谷覽之曰請改一字方可相見經數日再
謁稱已改得云別掃着僧床谷嘉賞結爲詩友有白蓮
集十卷又外編十卷

曇域齊已同時人

棲蟾齊已同時人

清寒東洛人姓周氏少從浮圖法遇姚合而返易名賀與
賈長江無可齊名

尚顏自云師賈閬仙爲詩有懷陸龜蒙處士寄方干處士
等作詩一卷名供奉集

虔默越僧羅隱同時人

可止有哭賈島詩云詩僻降今古官卑誤子孫

太易與司空曙相厚有贈司空拾遺詩

貫休字德隱姓姜氏蘭溪人嘗以詩投錢鏐曰滿堂花醉
三千客一劍霜寒十四州鏐欲改十四爲四十休曰州
亦不可增詩亦不可改明日遁去歸蜀居和安

賜紫衣號禪月大師有禪月集三十卷行世一曰西嶽
集

脩睦貫休同時人有東林集一卷

可朋丹稜人有詩千餘篇號王墨集性好酒自號醉髡孟
昶鎮蜀時歐陽炯與僚佐納涼宴飲朋作耘田擊鼓歌

以進曰農舍田頭鼓王孫筵上鼓擊伐兮皆爲鼓一何
樂兮一何苦上有烈日下有焦土願我天公降之以雨
令桑麻熟倉廩富不飢不寒上一般烟遂徹飲君子
謂可朋善諫歐陽善聽

神穎宿嚴陵詩曰寒谷荒臺七里洲賢人永逐水東流獨
頌叫斷青天月千點溟潭樹秋

雲表寒食詩曰寒食悲看郊外春野田無處不傷神平原
累累傷新塚半是去年來哭人

惟審有題曉鶯詩人共傳之

滄浩有留別嘉興知己詩爲人誦

良又秋山荅盧鄴曰風泉只向夢中聞身外無餘可寄當

戶一輪惟曉月掛簷數片是秋雲張爲取作主客圖
志定工于詩有曰惟有傳前今夜月當時曾醉墮樓人曰
梧桐葉老蟬聲死一夜洞庭波上風

曇翼

無悶

文益

景雲

護國

人 厝時

棲一

卿雲

澹交

若虛

僧巒

有學中送人遊庵
山詩恐是蜀僧

懷楚

懷浦

善生

理瑩

同志

歸仁

寶月

隱巒

清尚

玄寶

已上俱有詩名

宋

可尚螺江人有送徐鉉詩蓋宋初人其集名棟金一卷
惠勤餘杭人嘗從歐陽脩遊三十餘年脩稱其爲人聰

明才智有學問尤長于詩蘇軾有送錢塘勤上人詩序
參寥子名道潛於潛人過臨平詩曰蒲風獵獵弄輕柔欲
立蜻蜓不自由而月臨平山下路藕花無數亂汀洲蘇
試時知杭大稱賞小智果舍以居又爲作參寥泉銘
又嘗舉其詩曰隔林彷彿聞機杼知有人家住翠微此
吾師十四字師號也蘇軾稱其詩無一點蔬筍氣體製
絕似儲光羲陳師道相與論詩深備之序以送別其畧
曰釋門之表士林之秀而詩苑之英也

祖可字正平蘇養直之弟寓京口少病癰人呼曰癰可善
于詩有瀑泉集十三卷徐俯爲作詩序謂近歲江南高
僧逸民出語可觀皆祖可所化也

仲殊安州人常於蘇樓上倒書一絕云天長地久六悠
悠爾既無心我亦休浪迹姑蘇人不管春風吹上酒家
樓與蘇軾爲莫逆交平生嗜蜜軾與詩曰安陸老人心
似鐵老人心肝小兒舌不食五穀惟食蜜笑指蜜蜂作
檀越遂自稱殊蜜有文曰寶月集

禪鑑汀州人名智孜長于吟咏四皓詩曰因秦生白髮爲
漢出青山

有禪福清人幼穎悟好讀書骨相秀竒落髮爲僧遂潛心
本宗閉戶獨處若禪定然緇流聞風信向叢集者衆說
作頌皆造其極後端坐示寂著有平山詩集

一詩僧夷堅志云吳中僧多能詩法具絕句云鶴鳴九

秋夜永繡帳芙蓉卧燈影九州之外更九州誰解摩
心發深省蘊常味石菖蒲詩云細水圍基石纖纖手自
幾年離雁蕩萬里到天池法平登比固樓詩云不負
南徐眼來看北固雲金焦兩山小吳越一江分三僧者
皆勝流有唐人風致

按法具字圓復有化庵湖海集二卷

饒節字德操號如璧嘗爲曾布客以剛介不合祝髮爲浮
屠有詩二卷名奇松集

惠崇淮南人與潘閬同時在九僧之數有惠崇集十卷
式錢塘人號式微王有天竺靈苑集三卷採遺三卷
字道溫錢塘人識蘇子美嘗題其詩後欲挽致于歐

陽永叔而瑩辭不往老于荊州之金鑿有渚宮集三卷
鄭毅爲作序

有朋號困山禪師族陳氏閩帥嚴大世孫有螺江集一卷
秘演與石曼卿交最久亦能遺世外俗以氣節自高曼
卿稱所作雅健有詩人之意其集歐陽公爲序

惟儼杭州人姓魏氏歐陽公序其與石曼卿最善居京師
相國浮圖不出戶十五年有集十二卷

希白有詩三卷張逸序之曰希白能詩與宋白梁周翰張
詠而下十數公友善其詩格不減齊已云

洪覺範已見法嗣其詩有物外集三卷

善權字異中靖安人嗜酒落魄有真隱集三卷

顯萬有活溪集二十一卷洪景廬作序內二篇爲賦餘皆詩

妙源字晉之慈谿人嘗衣絮花衣服鉄械口誦佛號不徹每跣足乞食于道後示寂願以身飼烏鳶善爲唐詩人傳誦之

元末 噩禪師號夢堂姓王氏住持慈谿東皋寺久與金華脩道先生胡公游寂時偈曰塊然一物或有或無翻身歸去踏破毘盧有詩集竹世宋景瀛爲序

皇明

來復字見心南昌人

宗泐字季潭臨海人

妙聲號九臯吳人

守仁字一祔錢塘人

道原名宗衍

德祥號上庵杭人

懷海

梵琦字楚石

永爨字古鼎雲間人

懷讓字不虛越人

正淳

天祥

非幻諱性欽住摩訶菴能詩善小楷書皆得空覺之趣有

真客過訪詩曰禪門重繫馬灑脫利名韁撮借松陰翠
盃含菊蕊香清談名理窟幻有刹魔場亦是看心侶
依禮法王又有壽人詩曰釋理遺生滅端爲不滅因
剛摧朽木寶筏濟通津我眷華封祝君家貝闕人沅江
濤捲雪遙識謝池春

唐末有海印者爲尼于悲光寺才思清俊有舟夜一章云
水色連天色風聲益浪聲旅人歸思苦渙叟夢魂驚舉
棹雲先到移舟月逐行旋吟詩句罷猶見遠山橫